



Տ. Տ. ՄԱՅՐԵՆԻ Ր. ԿԱԹՈՂԻԿՈՍ ԱՄԵՆԱՅՆ ՀԱՅՈՑ



ՀԱՆԳԻՍՏ

Ամենայն Հայոց վեհափառ եւ սրբազնագոյն Հայրապետ եւ ժայրագոյն պատրիարք կաթողիկոս

Տ. Տ. ՄԵՏԹԷՈՍ Բ. Ի

Վերջին շաբաթները էջմիածնից գլուխդ հեռագիրները ծանուցել էին, որ Վեհափառ Կաթողիկոսը անակնկալ կերպով սրտի ծանր հիւանդութեան է ենթարկուել և բժշկական խորհրդակցութիւններ են կատարուում: Հայ ժողովուրդը աշխարհիս ամեն կողմից ի-

րանց վշտակցութիւնն ու որդիական
յարգանքներն էին ուղարկում Լուսա-
ւորչի արժանընտիր գահակալին հե-
ռագիրներով և նամակներով: Խմբա-
գրութիւնս էլ նոյն զգացմունքները
մատուցել էր Նորին Սրբութեան
մի գրութեամբ յանուն Հայրապետա-
կան գաւազանակիր տ. Մեսրոպ վ.
Նշանեանի:

Ժողովրդի ուրախութեան չափ չը-
կար, երբ Էջմիածնից հեռագիրներն
աւետեցին, որ վեհի հիւանդութիւնը
անցել է իսպառ և Հայրապետն իրան
բոլորովին առողջ զգալով՝ նուիրուել
է իր սովորական պարապմունքներին:

Եւ մինչ-վշտի զգացմունքը վերա-
ցել էր հայ ժողովրդից, դեկտեմբերի
11-ին Էջմիածնից տեղացող բօթաբեր
հեռագիրները և քաղաքիս հայ եկե-
ղեցիների զանգերի տխրահունչ դօ-
ղանջիւնը գոլժեցին հայ ազգին, որ
նորին օծութիւն ամենայն Հայոց Կա-
թողիկոս Տ. Տ. ՄԱՏԹԵՈՍ Բ-ը ի Տէր
է հանգել ամսոյս 11 ի լոյս գիշերը
սրտի կաթուածից:

Եւ միանգամից ցնցուեց ու սուգ
զգեցաւ Հայ ժողովուրդը աշխարհի
մի ծայրից մինչև միւսը, ուր և բնակ-
ւում է նա:

Հազիւ մի տարի էր անցել այն
օրից, ինչ որ նա մուտ էր գործել իւր
նուիրական պաշտօնը, դեռ նոր էր վե-
րացել սգի քողը Լուսաւորչի գահի
վրայից և եկեղեցին ընդունել իր ար-
ժաննտիւր փեսան, դեռ իր ծանր պաշ-
տօնավարութիւնն հազիւ սկզբնաւո-
րած, և ահա միանգամից վերստին
սգի մէջ ընկղմուեց հայ ժողովուրդն
ու եկեղեցին և այրիացաւ Եջմիածնի
համազգային Աթոռը, անորոշութեան
մատնուեցին ազգային եկեղեցական
գործերը:

Հայ ազգի հետ մենք ևս վշտամ-
բեր հոգով ողբում ենք անդառնալի և
մեծ կորուստը և մաղթում, որ շուտով
վերանայ տխրութեան և սգի քողը
Հայ բազմաչարչար եկեղեցուց և ինչ
որ չկարողացաւ իրագործել երջանկա-
զարդ Հայրապետը՝ Հայ բազմակարօտ
ժողովրդի բարօրութեան և Հայ եկե-

դեցու պայծառութեան համար՝ այն
ամենը մարմնանայ Նորա արժանաւոր
յաջորդի ձեռքով:

Արդարների յիշատակը օրհնու-
թեամբ թող յիշուի:

